

28.07.2023.

Pismo zdravstvenim radnicima s podsjetnikom na ograničenu primjenu fluorohinolonskih antibiotika zbog dugotrajnih, onesposobljavajućih i potencijalno ireverzibilnih nuspojava

Nosioci dozvola za stavljanje u promet fluorohinolonskih antibiotika, u dogovoru s Agencijom za lijekove i medicinska sredstva BiH (ALMBiH) i Evropskom agencijom za lijekove (EMA), uputili su pismo zdravstvenim radnicima s podsjetnikom na ograničenu primjenu fluorohinolonskih antibiotika zbog dugotrajnih, onesposobljavajućih i potencijalno ireverzibilnih nuspojava.

Sažetak

- **Podaci iz nedavno provedenog ispitivanja upućuju na to da se fluorohinoloni i dalje propisuju izvan preporučenih indikacija.**
- **Fluorohinoloni za sistemsku i inhalacijsku primjenu NE smiju se propisivati za:**
 - **bolesnike koji su prethodno imali ozbiljna neželjena dejstva prilikom primjene hinolonskih ili fluorohinolonskih antibiotika;**
 - **lakše ili samoograničavajuće infekcije (kao što su faringitis, tonzilitis i akutni bronhitis);**
 - **blage do umjerene infekcije (uključujući nekomplikovani cistitis, akutnu egzacerbaciju hroničnog bronhitisa i hroničnu opstruktivnu plućnu bolest (HOPB), akutni bakterijski rinosinusitis i akutnu upalu srednjeg uha), osim ako se drugi antibiotici koji se obično preporučuju za te infekcije smatraju neodgovarajućima;**
 - **nebakterijske infekcije, npr. nebakterijski (hronični) prostatitis;**
 - **sprječavanje putničkog proljeva ili ponavljajućih infekcija donjih dijelova mokraćnog sistema.**
- **Fluorohinoloni za sistemsku i inhalacijsku primjenu povezuju se s vrlo rijetkim, ozbiljnim, onesposobljavajućim, dugotrajnim i potencijalno ireverzibilnim nuspojavama. Te lijekove treba propisivati samo za odobrene indikacije i nakon pažljive procjene koristi i rizika u pojedinog bolesnika.**

Tekst pisma zdravstvenim radnicima možete pogledati [ovdje](#).

Podsjećamo da su zdravstveni radnici obavezni prijaviti ALMBiH-u svako neželjeno dejstvo lijeka kao i neispravnost u kvalitetu lijeka. Pacijenti koji su razvili neko od neželjenih dejstava trebaju se obratiti svom ljekaru ili apotekaru radi savjetovanja o načinu nastavka terapije.